



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Lot.

[urn:nbn:de:hbz:466:1-68887](#)



*In culpas hominum, toto testabimur orbi,
Ipse Deus iustum, credite, lumen habet.*

Sed

*Sed pietas iubisq; fides cælestibus hærens
Aeterni semper numine tuta Dei est.*

*Nos quondam subito bellorum turbine fracti,
Captiua tulimus tristia vincla manu.*

*Sed mihi libertas Abrahamo vindice parta est,
Concessum Sodomas atque redire domos.*

*Hic sedes nobis. sed fædis perdita factis
Gens fuit, & diro noxia terra malo.*

*Destinat hanc pœnæ sōntem Deus: exigit Abram,
Ne simul innocuos una ruina premat.*

*Annuit, & pœna sceleratas liberat oras,
Illa si iusti sint regione decem.*

*Sed, dolor ô, totidem non vasta in gente supersunt!
Omnis nam pariter noxia turba fuit.*

*Vesper erat, gemini iuuenes mea tecta subintrant,
Cælica gens, nostro corpore tecta, fuit.*

*Vix tamen hos tutos hominum vesania linquit,
Imminet exitio sic mala turba suo.*

*Summa dies aderat, diras me linquere terras,
Flectere nec tergo lumina versa monent.*

*Obsequor, ultrices volvuntur ab æthere flammæ:
Et pice sulfurea fulmina mixta cadunt.*

*Effugimus passu celeri, miserabilis uxoris
Respicit, in saxum diriguisse ferunt:*

*Tam nocet exemptos culpæ ad scelera acta reuerti.
Felix, si pietas progrediatur, erit.*

*At pereunt santes flammis feralibus ora:
Cerne typum fati munde maligne tui.*

Genes.14.

Genes.19.

Genes.18.

Genes.19.

B A B R A